

OHR i UNHCR pozivaju Dom naroda BiH da usvoji revidiranu Strategiju provedbe Aneksa VII



OHR i UNHCR pozdravljaju odluku Zastupničkog doma da usvoji revidiranu Strategiju provedbe Aneksa VII Daytonskog mirovnog sporazuma, koja je donesena prošle sedmice, i apeluje na članove Doma naroda Parlamentarne skupštine BiH da donesu sličnu odluku i usvoje ovu strategiju na svojoj sutrašnjoj sjednici.

U zajedničkom pismu Parlamentarnoj skupštini BiH, upućenom 14. juna, članovi međunarodne zajednice istakli su potrebu da se postigne dogovor o takvoj strategiji jer su petnaest godina nakon Daytonu problemi sa kojima se susreću raseljene osobe i dalje više nego očigledni, a za oko 113.000 interno raseljenih osoba i dalje je potrebno naći trajno rješenje.

Strategija predstavlja sveobuhvatni okvir za postizanje potrebnih trajnih rješenja za preostale interno raseljene osobe u BiH budući da sadrži mjere neophodne za podršku održivom povratku te prepoznaje potrebu da se podrži lokalna integracija onih raseljenih osoba koje se ne mogu vratiti, uključujući i adekvatnu kompenzaciju umjesto povratka.

Visoki komesar Ujedinjenih nacija za izbjeglice, Antonio Guterres, izrazio je podršku usvajanju Strategije tokom posjete BiH u avgustu prošle godine, a Evropska komisija je u svom godišnjem Izvještaju o ostvarenom napretku iznova istakla da Strategija predstavlja značajan korak ka okončanju procesa

povratka u zemlji. Osim toga, Upravni odbor Vijeća za provedbu mira je u svoja četiri posljednja komunikea pozvao na usvajanje Strategije.

Strategija je dobila široku podršku s obzirom da sadrži mjere potrebne da se konačno osiguraju trajna rješenja za preostale interno raseljene osobe. OHR i UNHCR apeliraju na Dom naroda da na svojoj sutrašnjoj sjednici usvoji ovu strategiju i time pokažu čvrstu opredijeljenost da se stavi tačka na problem raseljenih osoba te osigura pomoć koja je toliko neophodna ovim ljudima i koju oni s pravom zaslužuju.